


Kakue'ë ama 1.

Taka énu ndata chi beete miño

Tochi ú gikándo gee ño'ó baku ina jo'ö dibakú gínde ndukui, ñe'ë dikaya chi nooña kueña ñe'ë inicial, preescolar, nduku primaria.

Akutenü chikama kubinasee, ndatana tontu gindeeta chi so'ö gidijikusina dimochi go'osa ini chi ngua ndaka dayata.

Mä gikunásto nuniícha tochi choo jigeé dikayaa, mä gineicha no ini ñe'ë ndata kabachuna a kuuteé gindundáta mö tontu yaku chiba ini chikuatoo tumin ngua kubita.



Kakue'ë obe 2.

Taka dindad yaka nyuchi

Deé chineé chikadi kubindaa yaa.

Jö yaka étee, amatì ajo, ama yaá cheete nunì jima, nuniduy yoo. Kangu ajo no ku'ú kaá nikuin nunim nuniñë kunu ama kuutu, nochi kunu nde chet nominoli, kuinun kooti kuutu boo nuni duum inutoó chi yuchit.

Tochi a yuchi kúotì kandot tumin a kadi chuu iti. Mä ama tamat kunut ku'ú mī a chénoo naiyaá, nduku ndeetu, ndutiakuti, yundo chicheneuiti.




Kakue'ë inu 3. Tiaka

Chi ginde iña ndiku ñuü

Anö iña ndiku jo'nä gindeya chitumin kane kuiko nióboku. A kúute denui deé chei.

Tumĩ geeñai ginuiya ninu, gikai obe gobe ndinió Teco ginuy ninu tochi ngua gindakay tumĩ gikanday tiaka kue'et, tiaka nina chigi yundu.

Mö akuúte tika ti abe ninu a gidiña ntiñu mä tiaka a geéendi yaa diko tama bii.



Kakue'ë kuü 4. Mee

Mee ñe'e tuú kuuto kaá nduukue'ë ú

Nguakanechi kou nduudu chikanu tuú ti tontu kanda, ñuü, tochi kanuchun kando yaami diko mee chiditubi yuuna, nuni, ño'ó.

Ti mee gintuü chistika kanechi kómo taka diuúchi ngua kanús. Chü tontu kanda ñuú chi kuáu yuuna, ti mee ngua gine ama kuö tichü kachika ndukuo kaba china kuutoka kaáu.

Kabachuna kubidomo nduudu ñuü chi ndindoou ama kaka niku dichou no bete so'ö yudusi chingua kanutuú, ñe'ë Nió Ku-kán, Nió Nami, Nió Dingoö, Nió Giniñuü.



Kakue'ë ju'ü 5. Yada

Chü tinu ndiku ñe'ë iña Jalisco

Yada ñe'ë ndata tinu manta, ndita diko dinuu, noó ndandu, nduku to'ó niku chenuu ndi rantiyata.

Chü ndinda nduku nanda lasu nánche íba kuonuni, kuet, kuot numiama yada ndikuno, ndikudami.

Niku tika so'ö atinumi chü ndindaa kudima chenu, ni kianan énu to'ó atikan tu tontu ndee kuku adaman nduku yada.



Kakue'ë jö 6. Ñoó

Deé kanechi did tochi kuned ñoó chenu

Nud ño'ö chingua jiyaka, tumin kangod kakad ndunoo yata chibeenoo, kuinun kuneginud anduu nditiñu gobe chiatí tumi koodi ndákad andu inu ko'ou diitu ño'ö, kunenod ñoó nduku amtö jiyakai mä, tochi ngua yuuna tumin ngua kanuñe'edi.

Tochi kinun nandubid tumi ngua nanduchi tigeegenu ikañóka taté kuete, inu iti gidtinuni kuinu no'ö chiñud.



Kakue'ë ndeche 7. Chadi


Ngua cheë chadi ti tontu kanda

Taka jiñe'ë ndutiakau dikayati iña ndiku chi ñe'ë chuu chadi, no kuona ne'ë kuou chadi tumi ginendau tumi chikuao.

Ndit ndeeu chuuna kanda chikuotoo kaá ñe'ë chadi no ñüñuu.

Ti chadi nokuona chü geeu niku akuete geeu yundu niku chuuna gidtubi ú tumbe katatu.

Chistika nguayebe chi chuukudomo chadi ti kanda ñuü.




Kakue'ë nini 8. Guchi

Kakan diko guchi tika

Nduudu tontu kanuñoo ndukuö ndit kuneu no kaka aditinu chiko'ó. Kanenu chikama diko guchi kagikan genu dituka ndicha guchi.

Chistika ndit kunenod dijuud guchi kü nandubi.



Kakue'ë noö 9. . Sniñe

Sniñe

Anë kadinü chikubi ndi, ama gobena che'e ñaa ndiku ninu nduku chaku. Ndiku Kiata mi ndoo ama naiba cheete mi ndichi chi tontu bee sniñe.

Naiba mi bee sniñe kaiya, etet sniñe ñe'e so'ö gindee, sniñe tinu, sniñe giñu, tikantu sniñe ñe'e ndata chin tontu ndekuku nanda.

Ndit ne'ë ndikun sniñe ko daman dimi tumi ndakan sniñe chi ndiya chiba.



Kakue'ë ndichi 10. . So'ö

So'ö

Ikü ndichi ama so'ö langu, kuodimas, niku ényudutis, beeyudunosa, kuchetinustabis chijikue'es taka dijuu dibaku.

So'ö kuna jobes Yele tikasan ndee ñoo yuni kuee, kane ama dino ne'e tikasa, énu to'ó tikasa, jósan tinudi kuä, kanukosa ndeku ndudi.

So'ö kü ndikas ndi Jiguyu, mi nio bokus, mä kobasa nunu Ndooba chidisa ntiñu nduku nasü.



Kakue'ë ndichama 11. Ti

A ne'ë kue'ë kü yudu ti iña

Nü ama ba'a debe mi kantabi ño'o no kuete ina, nuto'ö nochikuno kudinta chiika yundum, kaka, yunichiginda yanama, nduko nochi inunom, ama yaá, tinu.

Iña chiku ti kuindiy, kuinun kuekuitinum, kuinu kango katu yudum, ginu, ginu katunu katunu nduku kudintam, tumi ngua kune beche ti iña chigitim.

Tochi kuinu kaka yudum tumi kango kunuyanama kobeña nduku kuika tiloom chinadebe ndantui nduko kobeña tochi a chikuinudebe kadi timun niku nabay ndukue'e chitubiy.



Kakue'ë ndichube 12. Të

Tuku j ïdaa nduti jïguide


Kö naiba niku kuä ama yaa nduti jïguide, dutit, jima, nduu, nuni. Tikantu ne'e giyeye, të.

Kuï ndutiku ama chita chidubika, mi kane'mö chitam nuni, kunü obe inu dekuu to'o giyeye, nduku ama dekuu të boo, tumi ngua kuabií chu kanechi nashtö tumbe kubi, tichuna tontu bee diku, nditnekä tumi konükä tate giyeye nduko të boo.

Tochi ä chikanbi nañoö, kuinü kangoo ti doo ndutichisnu chete, tochi abee ñe'ena kutö ama kuutu debe mi nashtö, nduti nduko, dutit, jima tumi konü kuutu chi yuchi nguö.

Kuï dïchü kägöd kangü nyudu ndetu, iyaa ndutiaku, ajo, ndukue'e chü yuchi ama kuutu cheete.

Tochi a kachi tumi kune nuni, kuinü numinu nduti jïguide tumi kachi nduku bií, kunü tamali jima ndit yaati, kachi, kachi kuinü kabi nioö mä a kadi che'ë.



Kakue'ë ndichinu 13. Beé


Beé

Ü kane chichuu beéyadi ti tontu ndaa, ti gidijiku ndeno kaa.

Beé chü ama ñoo chigine nduti ñe'e niku gobe ñoo nduti yoo, tontu ndee beé gine tioó, tochi aniñä yadi gee, jikando nunichigiya.

Beé tontu ndaa chikuu dikaya kaya tumigua kutoó kaiña, tikantu ndaa ñe'e iñachi gidutu daa.

Beéyadina jidaa giku, nuni yadi, chadi, ginu yuta tu'u, ndenoka.




Kakue'ë ndichikuü 14. Latu

Chidan so'ö gidi ntiñu

Chidan cheetes ditujinutabis tontu ditus gichee to'osa jitungne latu tichi jidkuntus itindu, sakuna tontu yoojinus, gitas ás.

Sakuna debe ntiñu ne'esa, ngua énus chiñaa tumi tochikuinu dikuntus itim tumi kangos nanus latu tumi ngua cheñoo.

Chidan tochi jidisa ntiñu nguajisa diko tate so'ö chiete kandas nabakus.



Kakue'ë nditiñu 15. Rati

Taka ndidad bete

Kuad obe yaá ninu ndikundichi to'ó yama, jima, nuni ndum, to'ó yatam chijoo ndundu, nuni.

Kundu ninu nioo, kunü kaka ébeye ndichined tochi ae tumi kuad, nanud kuinü numined küdu nioo tübe kubi nducha, kuinü kanjud rati, rati, kuinü naschitod nduko, yatam, nuni ndum, jima, ama yaa nuni, kunü ndichined ndit ági jima, nuni dum.

Tochi a kuinü kuid to'oyatam, tumi kuid chete chita kuid nduku daa chita tumi ngua küdo nuni bete, kuid, noo daa chita, kunenod tochi akoba noomi abeyeñe bete.

Natido oo kuid kúu kundoo naiyaa nduti, nduku ndetus baku minoo tumi aka di ched.



Kakue'ë nditiñuama 16. Ndeku

Nio Namina kamoo tateee ndoo ndeku

Iña chiachete jobeñena chikai; diyuta kooi kumino, ti ngua gidichiy, tibee ndeku, tumin nguatenö iña chibe tumi ñe'ena chigoya kaiy ndeku, Niku iña chigua tumi ñe'ena konei ñe'e bií. Mö akuete Jo'onei ti ndukueña jinukoi ndeku.

Mö iña chiachete jobeñena nguaneña kuay ndeku chiyakuchiba, ti chü adamanu jichiba nduko chidiya.



Kakue'ë nditiñuobe 17. Nto'ó

Nto'ó

Nditne'ë dindä ama yebe a chidiba'a nü yuntu nto'ó ti chuna, chenu niku tontu dituginu, ngua kani got, niku debe.

Nto'ó ngua gidtubi nio'oonü, tochi kubi ndia kuna kadi kumid kubinoö a kuchid niku natini nandubi ñoo ndaa.

Ñoo kuna yakuchiba gií gidaka niku ngua kadi jai ndukiatay. Ti chü tontu ete ita, niku ditu ngua gikadi ichiy tamno ñoo ti tontu gintudunu.



Kakue'ë nditiñuinu 18. Ngigoo


Ü kanechi kandiü konou ba´a jö ngigoo tichuna chinunee chiku, cheeü ti mü snu bedenu ñe´ña

Ba´a kuna gikandoo ndiya ti ngua kou

























Ngigoo, tikantu ñoo ginchete, chikuee ditu, yuni, tuú, diiyu.

Tübechuna bee no beetu, ndukue´e chuna kutou ndukuaku no neü niku ngua kundii tumi.

Ba´a kuna kutu tochi, ícha niku cheeten ícha tochi ínuu.



Kakue'ë A.

Kakue'ë B.

ñ	a	d
e	g	i
k	y	j
l	ch	o
b	m	l
n	o	r
t	s	u

Kakue'ë Ch.

nini	kukú	taka
tumi	nami	yadi
dama	íño	ñaña
chaku	chita	chene
gina	geku	bete
leku	luchi	rábo
ntiñu	ntiñi	ngue